

WARUM? (es Bitzli Glück) (full version)

A&C Rohrer Daniel IPI 00072 97 75 37
001303 245 27
T-050.296.959-6

Warum mues i jede Morge
Ufstah zum ga bügge?
Warum muess ig i d s Tram ystygge
Wo's doch gar ke Platz für mi het?
Warum muess mi der Chef aasinge
Wenn mini Uhr chli langsam geit?
Warum muess i das aues uf mi näh
I weiss es nid, ja i weiss es nid, aber

I wott es Plätzli a der Sunne, es Bitz Glück für mi
I wott es Plätzli a der Sunne, es Bitz Glück für mi

Warum muesch du am halbi achti scho
Uufstah usem warme Bett?
Warum muesch du der wyt wyt Wäg ga
Bis zur Schuel mit em Velo?
Warum muesch du dert Sache lehre
Wo di doch gar nid interessiere?
Warum muesch du das uf di näh
Du weisch es nid, ja du weisch es nid, aber

Du wosch es Plätzli a der Sunne, es Bitzli Glück für di
Du wosch es Plätzli a der Sunne, es Bitzli Glück für di

Warum? Darum - Warum? Darum - Warum? Darum - Warum? Darum

Warum mues är geng grad da sii
Wenn mir e chliini Demo hei?
Warum mues är mit Tränegas
U Gummigschoss, u sech schiesse?
Warum mues är in Uniform
E gruusegi Wand darstelle?
Warum muess är das alles uf sech näh
Är weiss es nid, nei är weiss es nid, aber

Är wott es Plätzli a der Sunne, es Bitzli Glück, für sich
Är wott es Plätzli a der Sunne, es Bitzli Glück, für sich

Warum muess sie am morge früh
Als Erscht's grad vor e Spiegel stah?
Warum muess sie ihres Gsicht amale
Bis me sie nümme kennt?
Warum muess sie, wenn sie 40i isch
Usgseh, wie wenn sie 20i wär?
Warum muess sie das alles uf sich näh
Sie weiss es nid, sie weiss es würklech nid, aber

Sie wott es Plätzli a der Sunne
Es Bitzli Glück, für sich

Alli zäme

I wott es Plätzli a der Sunne, es Bitz Glück für mi
I wott es Plätzli a der Sunne, es Bitz Glück

